



REPUBLIKA E SHQIPËRISË

Faqe | 1

AUTORITETI I MEDIAVE AUDIOVIZIVE

Tiranë, më __.__.2025

**PËR
DISA SHTESA DHE NDRYSHIME NË RREGULLOREN “PËR KRITERET DHE
PROCEDURAT E DHËNIES SË AUTORIZIMEVE”, MIRATUAR ME VENDIMIN
NR. 99, DATË 07.06.2017 TË AMA-S**

Në mbështetje të nenit 19, pika 1, gërma “ë”, nenit 54, pika 5 dhe nenit 64 të ligjit nr. 97/2013 “Për mediat audiovizive në Republikën e Shqipërisë”, të ndryshuar, në vendimin nr. 99, datë 07.06.2017 të AMA-s “Për miratimin e rregullores “Për procedurat dhe kriteret e dhënies së autorizimeve”, bëhen shtesat dhe ndryshimet si më poshtë:

Neni 4

Neni 4 i rregullores ndryshon si më poshtë:

Neni 4

Kriteret e përgjithshme për dhënien e autorizimeve

1. Ofrimi i shërbimit të programit audio dhe/ose audioviziv, kur shërbimi mbështetet në rrjete të ndryshme nga rrjetet tokësore analoge apo numerike dhe përsëritja e shërbimit të programit audio dhe/ose audioviziv të të tretëve bëhet me autorizim të AMA-s, pa garë, mbi bazën e aplikimit pranë AMA.
2. Ofrimi i shërbimit të përsëritjes së programit audio dhe/ose audioviziv të të tretëve kur shërbimi mbështetet në rrjet kabllor, satelitor dhe IPTV, bëhet me autorizim të AMA-s, pa garë, mbi bazën e aplikimit pranë AMA. Subjekti aplikues duhet të jetë i regjistruar në Autoritetin e Komunikimeve Elektronike dhe Postare (AKEP), sipas përcaktimeve të ligjit nr. 9918, datë 19.05.2008 “Për komunikimet elektronike në Republikën e Shqipërisë”, i ndryshuar dhe të depozitojë pranë AMA-s, Certifikatën e Konfirmimit të Njoftimit të AKEP.

3. Aplikuesi për ofrimin e shërbimit të programit të audio dhe/ose audioviziv, kur shërbimi mbështetet në sistem Kabllor, Satelitor, IPTV, OTT dhe Internet TV duhet të dorëzojë kontratën të paktën me një subjekt të autorizuar nga AMA për përsëritjen e shërbimit të programit audio dhe/ose audioviziv të të tretëve, mbështetur në një rrjet kabllor, Satelitor, IPTV, OTT dhe Internet TV.
4. Aplikuesi për përsëritjen e shërbimit të programit audio dhe/ose audioviziv të të tretëve mbështetur në sistemet OTT ose Internet TV nuk është i detyruar të depozitojë Certifikatën e Konfirmimit të Njoftimit në AKEP.
5. Zona e ofrimit të shërbimit të programit audio dhe/ose audioviziv dhe përsëritjes së shërbimit të programit dhe/ose audioviziv mbështetur në sistem kabllor, internet IPTV duhet të jetë në përputhje me ndarjet administrativo territoriale të përcaktuara në ligjin nr. 115/2014 “Për ndarjen administrativo-territoriale të njësive të qeverisjes vendore në Republikën e Shqipërisë”. Zona minimale e ofrimit të shërbimit të programit audio dhe/ose audioviziv dhe përsëritjes së shërbimit të programit audioviziv mbështetur në sistem kabllor, Internet IPTV fillon nga niveli i njësive administrative.
6. Autorizimi për ofrimin e shërbimit të programit audio dhe/ose audioviziv dhe për përsëritjen e shërbimit të programit audio dhe/ose audioviziv të të tretëve do të miratohet vetëm për transmetime të teknologjisë digjitale.
7. Aplikuesi për marrje autorizimi, rinovim autorizimi ose zgjerim të zonës së ofrimit të shërbimit përpara depozitimit të aplikimit, ose brenda 5 ditëve nga marrja e njoftimit për detyrimin nga AMA, duhet të kryejë pagesën për përpunimin e dokumentacionit, në të kundërt aplikimi i tij arkivohet pa u shqyrtuar.
8. ***Aplikuesi për marrjen e autorizimit për përsëritjen e shërbimit të programit audio dhe/ose audioviziv të të tretëve mbështetur në rrjet Kabllor, IPTV, dhe OTT duhet të deklarojë se:***
 - a. ***Do të pajiset me dekodera të cilët funksionojnë vetëm në bandën e transmetimit për të cilën ka marrë autorizim nga Autoriteti i Mediave Audiovizive (AMA).***
 - b. ***Dekoderat nuk duhet të jenë të konfigurueshëm apo të përdoren për transmetim në banda të tjera përveç asaj të autorizuar nga Autoriteti i Mediave Audiovizive (AMA)***
 - c. ***Është përgjegjës dhe mbart detyrimin për të siguruar që dekoderat e përdorur janë në përputhje të plotë me autorizimin e dhënë nga AMA dhe duhet të ofrojë prova të vlefshme në rast të verifikimeve apo inspektimeve.***

Neni 9

Neni 9 i rregullores ndryshon si më poshtë:

Neni 9

Dokumentacioni për marrje autorizimi për ofrimin e shërbimit të programit audio dhe/ose audioviziv dhe përsëritjen e shërbimit të programit audio dhe/ose audioviziv të të tretëve.

1. Aplikimi për marrjen autorizimit për ofrimin e shërbimit të programit audio dhe/ose duhet të përmbajë dokumentacionin, i cili vërteton përmbushjen e kërkesave si më poshtë vijon:

Pika 1.3

Kërkesat Programore

- a. Karakteri i përgjithshëm programor ose i tematizuar të shërbimit që ofron.
- b. Të dhëna për përmbajtjen e programeve të cilat shprehin qartë, në tërësi e tyre, kërkesat për zbatimin e parimeve themelore të veprimtarisë audiovizive, si dhe pluralizmin dhe paanësinë e informacionit.
- c. Shenja dalluese identifikuese.
- d. Përshkrim të përmbajtjes së emisioneve dhe rubrikave që janë pjesë e tyre.
- e. Të dhëna statistikore për llojet e programeve që parashikon të transmetojë si: informacion, kulture, art, argëtim, zbavitje, programe për fëmijë, sport, reklamë, etj.
- f. Programi javor që parashikon të transmetojë.
- g. Raportin kohor të përmbajtjeve të prodhuara vetë, ndaj tërësisë së programeve që transmetohen.**
- h. Deklarim nëse do të ketë transmetin 24/7 apo ndonjë formë tjetër.**

Faqe | 3

Pika 1.5

Kërkesat mbi Burimet Njerëzore

- a. Lista emërore e anëtarëve të Bordit Drejtues jo më pak se 5 anëtare.
- b. Curriculum Vitae (CV) përkatëse të çdo anëtari.
- c. Jo më pak se dy prej anëtarëve të bordit të kenë eksperiencë në fushën e medias, komunikimit, gazetarisë, inxhinierisë, financës dhe shoqërisë civile.
- d. Të dhënat e paraqitura në formën e deklaratës mbi numrin e punonjësve që parashikon të punësojë me kohë të plotë, jo më i vogël se 2.**
- e. Nëse shërbimi ofrohet nga palët e treta, aplikuesi në këtë rast duhet të paraqesë kontratat e punës të nënshkruara me këto subjekte.
- f. Caktimi i një personi kontakti, si dhe të dhënat e tij (numër telefoni, adrese email-i, etj).

2. Aplikimi për marrjen autorizimit për përsëritjen e shërbimit të programit audio dhe/ose të të tretëve duhet të përmbajë dokumentacionin, i cili vërteton përmbushjen e kërkesave si më poshtë vijon:

Pika 2.1

Kërkesat Juridike

- a. Emërtimi, vendndodhja e subjektit që depoziton aplikimin.
- b. Ekstrakt i thjeshtë dhe historik për të dhënat e subjektit të lëshuar nga Qendra Kombëtare e Biznesit (QKB) për subjektin, që bën kërkesën, bashkë me emrin firmën e personit, që ka të drejtë ta përfaqsojë atë, kur nuk përfaqsohet direkt nga përfaqësuesi ligjor lëshuar jo më vonë se 30 ditë nga paraqitja e aplikimit.

- c. Emërtimi tregtar i ofruesit të shërbimit dhe rrjetit ku do të mbështetet
- d. Çertifikata e Konfirmimit të Njoftimit të lëshuar nga AKEP (në rastin e rrjeteve kablllore, satelitore), **jo më vonë se 3 muaj nga data e lëshimit, (kur nuk ka ndryshime). Ky dokument duhet të jetë origjinal ose i njehsuar me origjinalin.**
- e. Shenja dalluese (logo).

Pika 2.4

Kërkesat mbi Burimet Njerëzore

- a. Lista emërore e anëtarëve të bordit drejtues jo më pak se 3 anëtarë.
- b. Curriculum Vitae (CV) përkatëse e çdo anëtari.
- c. **Të dhënat e paraqitura në formën e deklaratës mbi numrin e punonjësve që parashikon të punësojë me kohë të plotë, numri minimal i punonjësve 1.**
- d. Nëse shërbimi ofrohet nga palët e treta, aplikuesi në këtë rast duhet të paraqesë kontratat e punës të nënshkruara me këto subjekte.
- e. Caktimi i një personi kontakti, si dhe të dhënat e tij (numër telefoni, adrese email-i, etj).

Neni 10

Neni 10 i rregullores ndryshon si më poshtë:

Neni 10

Dokumentacioni për Rinovimin e Autorizimit

2. Aplikimi për rinovimin e autorizimit për ofrimin e shërbimit të programit audio dhe/ose duhet të përmbajë dokumentacionin, i cili vërteton përmbushjen e kërkesave si më poshtë vijon:

Kërkesat Programore

Pika 2.3

- a. Karakteri i përgjithshëm programor ose i tematizuar të shërbimit që ofron.
- b. Të dhëna për përmbajtjen e programeve të cilat shprehin qartë, në tërësi e tyre, kërkesat për zbatimin e parimeve themelore të veprimtarisë audiovizive, si dhe pluralizmin dhe paanësinë e informacionit.
- c. Shenja dalluese identifikuese.
- d. Përshkrim të përmbajtjes së emisioneve dhe rubrikave që janë pjesë e tyre.
- e. Të dhëna statistikore për llojet e programeve që parashikon të transmetojë si: informacion, kulture, art, argëtim, zbavitje, programe për fëmijë, sport, reklamë, etj.
- f. Programi javor që parashikon të transmetojë.
- g. **Raportin kohor të përmbajtjeve të prodhuara vetë, ndaj tërësisë së programeve që transmetohen.**
- h. **Deklarim nëse do të ketë transmetin 24/7 apo ndonjë formule tjetër.**

Pika 2.5
Kërkesat mbi burimet njerëzore

Faqe | 5

- a. Kërkesat për burimet njerëzore për aplikimin për rinovimin e autorizimit janë të njëjta me ato të përcaktuara në nenin 9, pika 1.5, përveç gërmës d) e cila të kërkohet si më poshtë:

“Pagesat e detyrimeve të sigurimeve shoqërore për punonjësit e siguruar, jo më pak se dy punonjës për të gjithë periudhën e mëparshme të autorizimit të paraqitura në formën e një vërtetimi të marrë nga organi kompetent”.

3. Aplikimi për rinovimin autorizimit për përsëritjen e shërbimit të programit audio dhe/ose të të tretëve duhet të përmbajë dokumentacionin, i cili vërteton përmbushjen e kërkesave si më poshtë vijon:

Pika 3.4
Kërkesat mbi burimet njerëzore

- a. Kërkesat për burimet njerëzore për aplikimin për rinovimin e autorizimit janë të njëjta me ato të përcaktuara në nenin 9, pika 2.4, përveç gërmës c) e cila të kërkohet si më poshtë:

“Pagesat e detyrimeve të sigurimeve shoqërore për punonjësit e siguruar, numri minimal i punonjësve 1, për të gjithë periudhën e mëparshme të autorizimit të paraqitura në formën e një vërtetimi të marrë nga organi kompetent”.